

**Мухамедиева Гульзада Миналовнаның 6D050600-«Экономика»
мамандығы бойынша философия докторы (PhD) дәрежесін алу үшін
«Моноқалалардың әлеуметтік инфрақұрылымын дамыту: факторлары,
бағыттары, бағалау әдістері» тақырыбында дайындалған докторлық
диссертациясына ғылыми кеңесшінің**

ПІКІРІ

Қазіргі жағдайда аймақтық дамудың маңызды мақсатына қол жеткізуі әр қала тұрғындарының өмір сүру жағдайы мен сапасын түбегейлі жақсартуды, қала тұрғындарының өмір сүру салтын ұтымды етуді талап етеді, бұл өз кезегінде әлеуметтік инфрақұрылымдарды қарастырусыз мүмкін емес.

Моноқалалардың әлеуметтік инфрақұрылымының қазіргі жай-күйі ірі қалаларда болып жатқан әлеуметтік-экономикалық және мәдени өзгерістердің жалпы қарқынынан қалумен сипатталады. Көптеген инфрақұрылымдық объектілерді ұстау, күрделі жөндеу және әрекет қабілеттілігін қолдау мүмкіндіктерінің болмауы салдарынан негізгі қызмет мақсаттары жойылған, олардың нысаналы бағыты өзгерген, олар көрсететін қызметтердің көлемі азайған, негізгі қорларының тозуы ұлғайған.

Олардың дамуы мен жұмыс істеуінде қазіргі заманғы нарықтық экономиканың әсерін сезінетін әлеуметтік инфрақұрылымды ұйымдастырудағы кемшіліктер мен қателіктер айқын көрінеді. Сондықтан диссертациялық жұмыстың тақырыбы моноқалалардың инфрақұрылымының дамуының заманауи мәселелерін қарастыруға бағытталған.

Диссертациялық жұмыстың өзектілігі, зерттеу мақсаты мен міндеттері, ғылыми нәтижелері мен қорытындылары тақырыпты толығымен ашады. Жұмыстың барлық бөлімдері бір-бірімен тығыз байланысты және логикалық үйлесімді сипатталған. Диссертацияның міндеттері біртіндеп орындалады және ғылыми нәтижелері мен тұжырымдары ішкі бірлігімен сипатталады.

Жұмыста берілген тақырып бойынша шетелдік және отандық ғалымдардың еңбектері терең зерттелген, нормативтік актілер мен Қазақстан Республикасы Ұлттық экономика министрлігі Статистика комитетінің статистикалық мәліметтері, Қарағанды облысының моноқалалары әкімдігінің статистикалық есептілігі талданған.

Диссертацияда зерттеушінің төмендегідей нәтижеге қол жеткізгенін атауға болады.

- «моноқалалар» ұғымына анықтама беріліп, оның негізділігі нақтыланды;
- моноқалалардың әлеуметтік инфрақұрылымына әсер ететін факторлар пысықталды;
- моноқаланың әлеуметтік инфрақұрылымын дамытуды бағалау және талдау құралы ретінде Жалпы біріктірілген индексі әзірленді;
- Қарағанды облысы моноқалаларының әлеуметтік инфрақұрылымын дамытудың факторлық және индикативтік талдауы жүргізілді;

